

ՀԱՍՏԱՏՎԱԾ Է

«Հայաստանի ավտոապահովագրողների բյուրո»

ԻԱՄ անդամների ընդհանուր ժողովի

16/01/2015թ թիվ 8-Լ որոշմամբ

ԳՐԱՆՑՎԱԾ Է

ՀՀ կենտրոնական բանկում

«11» փետրվարի 2015թ

«Հայաստանի ավտոապահովագրողների բյուրո»

ԻԱՄ անդամների ընդհանուր ժողովի նախագահ

ՀՀ կենտրոնական բանկի նախագահ

_____ Ներսես Երիցյան

_____ Արթուր Զավադյան

ԿԱՆՈՆՆԵՐ RL 1-043

«ՀԱՅԱՍՏԱՆԻ ԱՎՏՈԱՊԱՀՈՎԱԳՐՈՂՆԵՐԻ ԲՅՈՒՐՈ» ԻՐԱՎԱԲԱՆԱԿԱՆ ԱՆՁԱՆՑ ՄԻՈՒԹՅԱՆ

(ԱՄՄՊ ԾԱՌԱՅՈՒԹՅԱՆ ԴԻՄԱՑ ՎՃԱՐՆԵՐԻ ԲԱՇԽՄԱՆ ԵՎ «ՀԱՅԱՍՏԱՆԻ ԱՎՏՈԱՊԱՀՈՎԱԳՐՈՂՆԵՐԻ ԲՅՈՒՐՈ» ԻՐԱՎԱԲԱՆԱԿԱՆ ԱՆՁԱՆՑ ՄԻՈՒԹՅԱՆԸ ՆՈՐ ԱՆԴԱՄԱԿՑԱԾ ԱՊԱՀՈՎԱԳՐԱԿԱՆ ԸՆԿԵՐՈՒԹՅԱՆ ԿՈՂՄԻՑ ԱՄՄՊ ԾԱՌԱՅՈՒԹՅԱՆԸ ՄԻԱՆԱԼՈՒ ՄՈՒՏՔԻ ՎՃԱՐԻ)

ԵՐԵՎԱՆ - 2015

1. «Հայաստանի ավտոապահովագրողների բյուրո» ԻԱՄ (այսուհետ՝ Բյուրո) կանոնադրությամբ նախատեսված պայմանագրի (այսուհետ՝ Պայմանագիր) հիման վրա մատուցված «Տրասնպորտային միջոցների միասնական պատուհան» ("VSW") ծառայության (այսուհետ՝ ծառայություն) պարտադիր մասի դիմաց վճարումը կատարվում է Բյուրոյի անդամ ապահովագրական ընկերությունների կողմից՝ ծառայություն մատուցող անձի կողմից ներկայացված վճարի գումարը նրանց միջև հետևյալ բանաձևի հիման վրա բաշխելու միջոցով.

$$V_{ij} = U_{ij} * V_j$$

Որտեղ՝

V_{ij} -ն Բյուրոյի անդամ i -րդ ապահովագրական ընկերության կողմից ծառայության մատուցման j -րդ ամսվա համար կատարվող վճարի մեծությունն է,

V_j -ն ծառայություն մատուցող անձի կողմից Բյուրո ներկայացված ծառայության մատուցման j -րդ ամսվա համար վճարի գումարն է, որը նվազեցվում է Բյուրոյին նոր անդամակցած ապահովագրական ընկերության կողմից այդ ամսվա ընթացքում փաստացի վճարված Պայմանագրին միանալու մուտքի վճարի չափով: Ընդ որում, մուտքի վճարը ծառայության մատուցման j -րդ ամսվա համար վճարի գումարից մեծ լինելու դեպքում տարբերության գումարի չափով նվազեցվում է նաև ծառայության մատուցման j -րդ ամսվան հաջորդող ամսվա համար վճարի գումարը,

U_{ij} -ն ծառայության մատուցման j -րդ ամսվա համար վճարի գումարում Բյուրոյի անդամ i -րդ ապահովագրական ընկերության մասնաբաժինն է, որը հաշվարկվում է հետևյալ բանաձևով և կլորացվում է դեպի վերև մինչև հազարերորդական նիշ՝ կլորացման նիշ ընդունելով հինգ հազարերորդական մեծությունը.

$$U_{ij} = \left(\frac{U_{ij}}{U_{\text{ընդ.}}} \right)$$

Որտեղ՝

U_{ij} -ն i -րդ ապահովագրական ընկերության կողմից ծառայության մատուցման j -րդ ամսվան նախորդող ամսվա ընթացքում վաստակած ապահովագրավճարի մեծությունն է (իսկ բոլոր ապահովագրական ընկերությունների կողմից այդ ամսվա ընթացքում վաստակած ապահովագրավճարների մեծությունը գրոյի հավասար լինելու դեպքում՝ այդ ամսվան նախորդող ամսվա ընթացքում վաստակած ապահովագրավճարի մեծությունը), որը հաշվարկվում է հետևյալ բանաձևով՝

$$U_{ij} = ZU_{ij} - V_{ij} - \mathcal{U} \cdot \mathcal{N}_{\text{փոփ.}}$$

Որտեղ՝

ZU_{ij} - i -րդ ապահովագրական ընկերության համար դիտարկվող ամսվա հաշվեգրված ապահովագրավճարի մեծությունն է,

V_{ij} - i -րդ ապահովագրական ընկերության համար դիտարկվող ամսում հետ վերադարձված ապահովագրավճարների մեծությունն է,

ՉԱՊ_{փոփ}.- i-րդ ապահովագրական ընկերության համար դիտարկվող ամսվա վերջին և տվյալ ամսվան նախորդող ամսվա վերջին օրվա դրությամբ չվաստակած ապահովագրավճարների պահուստի տարբերությունն է:

ՎԱ_{ընդ}-ն պահանջը ներկայացնելու օրվա դրությամբ Բյուրոյի անդամ բոլոր ապահովագրական ընկերությունների կողմից ծառայության մատուցման j-րդ ամսվան նախորդող ամսվա ընթացքում վաստակած ապահովագրավճարների մեծությունն է, իսկ այն գրոյի հավասար լինելու դեպքում՝ այդ ամսվան նախորդող ամսվա ընթացքում վաստակած ապահովագրավճարների մեծությունը:

$$\text{ՎԱ}_{\text{ընդ}} = \text{ՀԱ}_{\text{ընդ}} - \text{Վ}_{\text{ընդ}} - \text{ՉԱՊ}_{\text{փոփ}}$$

Որտեղ՝

ՀԱ_{ընդ} – բոլոր ապահովագրական ընկերությունների համար դիտարկվող ամսվա հաշվեգրված ապահովագրավճարների մեծությունն է,

Վ_{ընդ} - բոլոր ապահովագրական ընկերությունների համար դիտարկվող ամսում հետ վերադարձված ապահովագրավճարների մեծությունն է,

ՉԱՊ_{փոփ}.- բոլոր ապահովագրական ընկերությունների համար դիտարկվող ամսվա վերջին և տվյալ ամսվան նախորդող ամսվա վերջին օրվա դրությամբ չվաստակած ապահովագրավճարների պահուստի տարբերությունն է:

2. Բյուրոյին նոր անդամակցած ապահովագրական ընկերության կողմից վճարման ենթակա Բյուրոյի կանոնադրությամբ նախատեսված Պայմանագրին միանալու մուտքի վճարը հաշվարկվում է հետևյալ բանաձևի հիման վրա.

$$\text{«ՄՄՎk=ՎԳտ/ԱԸք}»$$

Որտեղ՝

ՄՄՎk-ն ծառայության մատուցման k-րդ ամսում Բյուրոյին անդամակցած ապահովագրական ընկերության կողմից վճարման ենթակա Պայմանագրին միանալու մուտքի վճարի չափն է,

ՎԳտ-ն ծառայության մատուցման k-րդ ամսվան նախորդող օրացույցային տարվա ընթացքում մատուցված ծառայության, իսկ նախորդ օրացույցային տարվա ընթացքում ծառայություն մատուցված չլինելու դեպքում՝ տվյալ օրացույցային տարվա ընթացքում մատուցված ծառայության համար Բյուրո ներկայացված ամսական վճարների ընդհանուր չափն է:

ԱԸք-ն մատուցվող ծառայությունից օգտվող ապահովագրական ընկերությունների քանակն է՝ ներառյալ նոր ընկերությունը:

3. Ապահովագրական ընկերությունը սույն կանոնների 1-ին կետով սահմանված վճարումը կատարում է Բյուրոյի կողմից համապատասխան պահանջը ներկայացնելուց հետո երեք օրացույցային օրվա ընթացքում՝ պահանջում նշված բանկային հաշվեհամարին փոխանցելու միջոցով:

4. Բյուրոն ծառայության մատուցման համար վճարի չափը իր անդամ ապահովագրական ընկերություններին է ներկայացնում ծառայություն մատուցողից դրա մասին տեղեկանալուց հետո՝ մեկ օրացույցային օրվա ընթացքում:

5. Բյուրոյի կանոնադրությամբ նախատեսված Պայմանագրին միանալու մուտքի վճարը վճարվում է համապատասխան ապահովագրական ընկերության՝ Բյուրոյին անդամակցելու օրվանից հետո՝ հինգ աշխատանքային օրվա ընթացքում:

6. Սույն կանոնների 3-րդ կամ 5-րդ կետով սահմանված պարտականությունը խախտելու դեպքում խախտում թույլ տված ապահովագրական ընկերությունից յուրաքանչյուր ժամկետանց օրվա համար գանձվում է տույժ՝ չվճարված գումարի 0.1 տոկոսի չափով: